

**INTERNACIONALNI BURČ UNIVERZITET
INTERNATIONAL BURCH UNIVERSITY**



PRAVILNIK O RADU STUDENTSKIH KLUBOVA

Januar 2020.

Na osnovu člana 130. stav (2) Zakona o visokom obrazovanju („Službene novine Kantona Sarajevo“ br. 33/17) i člana 22. stav (1) Statuta visokoškolske ustanove Internacionalni Burč univerzitet - International Burch University, Senat visokoškolske ustanove Internacionalni Burč univerzitet - International Burch University, na svojoj CLXXVI sjednici održanoj 29.01.2020. godine, donio je sljedeći

PRAVILNIK O RADU STUDENTSKIH KLUBOVA

I - OPĆE ODREDBE

Član 1.

Pravilnikom o radu studentskih klubova (u daljem tekstu Klubovi) na Internacionalnom Burč univerzitetu (u daljem tekstu Univerzitet) se uređuje:

- Osnivanje, funkcionisanje, izvještavanje o radu Klubova,
- Prava i obaveze Klubova,
- Obim i način podrške Univerziteta radu Klubova,
- Ostali propisi koji se tiču Klubova.

II - OSNIVANJE KLUBA

Član 2.

- (1) Bilo kojih 5 redovnih studenata Univerziteta koji imaju zajednički interes prema bilo kojoj temi ili oblasti imaju pravo aplicirati za osnivanje Kluba.
- (2) Aplikacije za osnivanje novih klubova se zaprimaju početkom svakog semestra u periodima najavljenim od strane „Student Activity Center“, u daljem tekstu SAC.
- (3) Već postojeći studentski klubovi su dužni obnoviti svoju aplikaciju za osnivanje početkom svake akademske godine.
- (4) Aplikacija se podnosi popunjavanjem online formulara „New Club Request“.
- (5) Ukoliko aplikacija za osnivanje kluba dobije pozitivan odgovor, osnivači kluba imaju rok od dvije sedmice od dana odgovora da SAC-u dostave dodatne dokumente: Listu članova (najmanje 10, zajedno sa osnivačima), detaljan plan rada za najmanje 1 semestar, statut kluba, logo kluba.
- (6) Traženi dokumenti se dostavljaju elektronski i na osnovu formulara poslanih od strane SAC-a.
- (7) Tek nakon odobrenog statuta i plana rada, Klub stiče status aktivnog kluba.
- (8) Od dana odobrenja i sticanja statusa aktivnog kluba, Klub stiče sva prava i obaveze regulisane ovim Pravilnikom.
- (9) U slučaju da Dean of Students (u daljem tekstu DoS) donese zaključak da se statut i plan aktivnosti Kluba kose sa strateškim ciljevima Univerziteta, Disciplinskim i Etičkim kodeksima Univerziteta, interesu šire studentske populacije, mogu eventualno naštetiti imidžu i reputaciji Univerziteta, ne doprinose akademskom ili karijernom razvoju studenata ili u slučaju da se podudaraju sa poljem aktivnosti nekog drugog već osnovanog Kluba, zadržava pravo da Klubu uskrati status odobrenog kluba.

III - ČLANSTVO U KLUBU I KLUBSKE FUNKCIJE

Član 3.

- (1) Svi redovni studenti svih studijskih programa i uposlenici Univerziteta imaju pravo učlaniti se u Klub.
- (2) Klubovi imaju pravo vršiti selekciju i ograničavanje broja članova pod uslovom da su uslovi za to jasno definisani Statutom te da ta selekcija ne podrazumjeva diskriminaciju bilo koje vrste.
- (3) Članovi Klubova se dijele na aktivne članove i pridružene članove. Jedan student ima pravo biti aktivni član u najviše dva Kluba i pridruženi član u više klubova.
- (4) Samo aktivni članovi klubova imaju pravo birati i biti birani na funkcije unutar kluba.
- (5) Jedan student može obnašati funkciju unutar samo jednog Kluba.
- (6) Maksimalni broj aktivnih i pridruženih članova, funkcije unutar kluba, način i uslovi biranja članova koji će ih obnašati, uslovi prelaska iz aktivnog u pridruženo članstvo i obratno te sve ostale stvari koje se tiču članstva i funkcija unutar klubova su regulisane Statutima klubova i mogu se međusobno razlikovati.

IV - PRAVA ODOBRENIH/PRIZNATIH KLUBOVA

Član 4.

- (1) Korištenje imena Univerziteta u imenu Kluba, organizaciji aktivnosti, javnim saopštenjima, društvenim medijima i nastapanju prema vanjskim stakeholderima, aktivni Klubovi u sklopu svog imena imaju pravo koristiti skraćenicu IBU i riječ „Burch“ a nemaju pravo koristiti puni naziv univerziteta: „International Burch University“.
- (2) Korištenje podrške SAC-a za planiranje, promociju i implementaciju programa i aktivnosti.
- (3) Korištenje komunikacijskih kanala univerziteta za promociju aktivnosti i njihovih rezultata, ukoliko je primjenjivo, u skladu sa komunikacijskom strategijom Univerziteta.
- (4) Promovisanje aktivnosti Kluba koristeći oglasne ploče i ostale lokacije za oglašavanje na kampusu, uz odobrenje SAC-a.
- (5) Pozivanje eksternih predavača, stručnjaka i mentora da sudjeluju u aktivnostima klubova, uz obavijest i odobrenje SAC-a.
- (6) Pozivanje i dovođenje učenika srednjih škola i studenata drugih univerziteta da sudjeluju u aktivnostima, uz obavijest i odobrenje SAC-a.
- (7) Korištenje finansijske podrške Univerziteta za aktivnosti odobrene u sklopu plana aktivnosti.

V - OBAVEZE AKTIVNIH KLUBOVA

Član 5.

- (1) Upravljanje klubom i aktivnostima u skladu sa ovim Pravilnikom i Statutom Kluba.
- (2) Vođenje brige o širem interesu studenata i Univerziteta u svim aktivnostima.
- (3) Redovno učestvovanje na sastancima organizovanim od strane SAC-a.
- (4) Obavješćavanje SAC-a o tačnom terminu održavanja aktivnosti 7 dana unaprijed, ukoliko termin aktivnosti nije preciziran u planu aktivnosti.
- (5) Podnošenje izvještaja o svakoj aktivnosti kroz online formular „activity report form“ u roku od 24 sata od izvođenja aktivnosti.
- (6) Vođenje evidencije prisutnih na aktivnostima.
- (7) Detaljno i blagovremeno izvješćavanje o utrošku sredstava isplaćenim od strane Univerziteta u vidu podrške aktivnostima.
- (8) Redovno i blagovremeno osvježavanje inoformacija na kanalima komunikacije Kluba.

- (9) Ukoliko SAC, DoS ili bilo koje drugo tijelo Univerziteta donese sud da Klub ne djeluje u skladu sa gore nabrojanim odgovornostima i obavezama, DoS zadržava pravo da suspenduje status odobrenog/priznatog Kluba.

VI - SAVJETNICI/MENTORI

Član 6.

- (1) Klubovima se preporučuje ali se ne obavezuju da imaju savjetnika/mentora iz akademskog ili administrativnog osoblja Univerziteta čija je ekspertiza bliska polju djelovanja kluba te svojim savjetima i mentorstvom može doprinijeti njegovom radu.
- (2) Savjetnici/mentori imaju pravo davati konstruktivne kritike i smjernice za rad te pomoći radu Kluba na bilo koji drugi način, bez prava donošenja konačnih odluka o procesima i aktivnostima Kluba.

VII - ODREDBE O FINANSIJAMA

Član 7.

- (1) Samo aktivnosti predviđene odobrenim planom aktivnosti imaju pravo na finansijsku podršku Univerziteta.
- (2) U slučaju neplanirane inicijative za aktivnost koja bi mogla imati velik značaj za Univerzitet, inicijatori imaju pravo aplicirati DoS-u za dodatnu podršku.
- (3) Odobrena sredstva se isplaćuju na bankovni račun predsjednika ili blagajnika Kluba na osnovu pismenog zahtjeva najmanje 7 dana prije planirane aktivnosti.
- (4) Sredstva se pravdaju dostavljanjem računa Službi za finansije u roku od 7 dana nakon održane aktivnosti.
- (5) Klubovi imaju pravo tražiti finansijsku podršku za aktivnosti od eksternih pravnih ili privatnih lica. Način prikupljanja, utroška i izvještavanja ovih sredstava je regulisan Statutom Kluba.
- (6) Svi nastupi prema potencijalnim eksternim donatorima, finansijerima, sponzorima moraju biti najavljeni na redovnim sastancima SAC-a kako bi se spriječila dupliranja u traženju sredstava od istih pravnih ili privatnih lica od strane više Klubova
- (7) Univerzitet ne snosi odgovornost za način na koji Klubovi prikupljaju, troše i izvještavaju o utrošku sredstava prikupljenih od eksternih donatora, finansijera i sponzora.
- (8) Klubovi imaju pravo organizovati prikupljanje sredstava za aktivnosti, kroz naplaćivanje ulaza, prodaju hrane, materijala i sl. uz najavu i odobrenje SAC-a te uz Statutom regulisan način upravljanja na taj način prikupljenih sredstava.

VIII - STUDENT ACTIVITY CENTER

Član 8.

- (1) Sve studentske vannastavne aktivnosti su u nadležnosti DoS. SAC je zasebna studentska organizacija koja za svoj rad odgovara DoS-u i služi kao poveznica između Klubova i DoS-a i pruža pomoć i podršku funkcionisanju Klubova:
- Rezervacija i priprema Univerzitetskih prostorija predviđenih za aktivnosti,
 - Podrška u planiranju i implementaciji aktivnosti,
 - Podrška u internoj i eksternoj promociji aktivnosti,
 - Zaprimanje aplikacija, zahtjeva i izvještaja,

- e. Koordinisanje rada velikog broja klubova na način da se njihove aktivnosti i djelatnosti ne preklapaju te osiguravanje prenošenja iskustava između Klubova,
- f. Održavanje redovnih sastanaka sa predsjednicima Klubova,
- g. Organizacija radionica, edukacija, seminara za vršitelje funkcija unutar Klubova kako bi efektivnije izvršavali svoje odgovornosti,
- h. Podrška Klubovima u generisanju i razvijanju poslovnih ideja, njihovoj pripremi za interna ili eksterna startup takmičenja,
- i. Obnaša funkciju poveznice između Klubova i Burch Startup Inkubatora i za ovaj domen rada odgovara rukovodiocu Inkubatora u skladu sa propisima vezanim za Inkubator.

IX - STATUT KLUBA

Član 9.

(1) Statut Kluba treba sadržavati:

- a. Ime Kluba,
- b. Definisano povezanost Kluba sa nekim od odsjeka ili organizacionih jedinica Univerziteta,
- c. Definisano svrhu i ciljeve Kluba,
- d. Definisane uslove za članstvo, uslove aktivnog i pridruženog članstva, prava i obaveze aktivnih i pridruženih članova, definisane okolnosti isključivanja iz članstva,
- e. Definisane funkcije unutar kluba i opis njihovih prava i obaveza, način biranja, kvalifikacije, trajanje i mogućnost ponavljanja mandata, definisane okolnosti isključivanja ili ostavke na funkciju unutar kluba,
- f. Definisano način sazivanja i frekvenciju okupljanja skupštine Kluba,
- g. Definisano način usvajanja odluka (nadpolovična većina, dvotrećinska većina isl.),
- h. Definisano način i uslovi potrebni za izmjene statuta,
- i. Definisano način praćenja i izvještavanja utroška eksternih finansijskih sredstava,
- j. Definisano način oglašavanja aktivnosti Kluba.

(2) Klub ima pravo uvrstiti u Statut i odredbe koje nisu nabrojane u ovom članu a relevantne su za funkcionisanje Kluba.

Član 10.

Ovaj Pravilnik stupa na snagu danom donošenja.

Broj: 01-21-1/20
Sarajevo, 29.01.2020. godine

PREDSJEDAVAJUĆI SENATA
Prof. dr. Mersid Poturak